

Europaráde

Ministarjuogos

Ministarjuohkusa hásstalus RecChL (2006)4 europa biejadusá rijkadajva- jali unneplågogiela birra Svieriga anodime gávttuj

(Ministarjuohkuisis dâhkkidum 2006 ragátmáno 27.b. 974 biejadustjâhkanimen)

Ministarjuogos,

16 ártihkkala milta europa biejadusán rijkadajva- jali unneplågogiela birra,

mij árvustallá nanustahttemássjetjállagav majt Svierik 2000 guovvamáno 9.b. vattij,

mij le merustallam ássjedâbdejuohkusa diedádusáv Svieriga biejadusá anodime birra,

mij árvustallá vaj diedádus le vuododum diededimijda majt Svierik vattij ietjas nuppe diedádusán, svieriga fábmudagájs duoddediededime, diededime vattedum orgánajs ja lihtojs ma li láhkalattjat Svierigin vuododum ja diededime majt ássjedâbdejuogos le barggosadjeguossidimijn oahppam,

mij le svieriga fábmudagáj javllamusájt sisano birra ássjedâbdejuohkusa diedádusán árvvulasstám,

bádtji vaj svieriga fábmudagá árvvulassti gájkka ássjedâbdejuohkusa tsuojgodimijt vuorodimijn, vuojn:

1. Oajvvadusájt állidit Áhtsádimes suomagiela ja oarjjilijsámegiela birra mij guosská suomagiela ja sámegiela tjuottjudusguovlojt vijdedit. Mierredit aj sierralágásj láhkaásadimev rijkadajva- jali unneplågogiela birra ja vuododit rijkalasj fábmudagáv ávdâsvásstádusájn állidimev váksjut.
2. Nannodittjat máhttelisvuodav áhpadussaj rijkadajva- jali unneplågogiellaj vierttiji gávnas dago álgaduvvat. Gádoda struktuvralasj gássjelisvuodajt ja luohkkogássjelisvuodajt ja strahtegidjajt sierraláhkáj hábbmit lasedittjat áhpadiddjij lågov ja fállat áhpadusáv vuodoskâvlå manemus jagijda rijkadajva- jali unneplågogiellaj.
3. Rievddadit tjerdajt ma gávnnuji áhpadussaj rijkadajva- jali unneplågogiellaj Svieriga vâlggogisvuohtan biejadusa milta. Laseda kvalitehtav ja máhttelisvuodav ”iednegiella”- áhpadussaj dagáduvvá ja álgadit hiebalasj dagojt guovtegielak áhpadussaj.
4. Bisodittjat oarjjilijsámegiela ráhtot hiebadahkes ja sjuggelis dagojt mierredit.
5. Vuododit struktuvralasj vuodoprinsihpav ja álgadit organisasjâvnâlasj dagojt arvusmahtatjit sámegiela, suomagiela ja meänkieli njálmâlasj ja tjálâlasj anodimev

aktavuodajn duobbmostávláj ja tjuottjudusfábmudagáj nammadum tjuottjudusguovlojn.

6. Arvusmahttet ja/jali giehpedit vuododimev ja/jali unnemusát avta tidniga anodimev sámegeillaj ja meänkielij.
7. Dagojt álgadit ma báhtusav vaddi rijkadajva- ja unneplågogielajda diedulasjvuodav ja dádjadusáv svieriga sebrudagán lasedi.